



Tillie Martinussen
Inatsisartunut ilaasortaq, Suleqatigiissitsisut

§ 37 tunngavigalugu apeqqutinut nr. 144-miittunut akissutit - ilinniartut ineqarfiinik sanaartorneq pillugu

09-08-2019
Suliap normua.
Allakkat nr. 10941081

Asasara Tillie Martinussen,

Postboks 1029
3900 Nuuk
Oqarasuaat : +299 34 50 00
Email: ikin@nanoq.gl
www.nanoq.gl

Inatsisartut suleriaasissaat malillugu apeqqutigisimasannut qujanaq. Kinguliini akissuteqarfigissavakka.

Apeqqut 1: Nuummi kollegiani siniffissat 218-t, Aasianni 32-t, Ilulissani 70-it, Sisimiuni 72-t, Qaqortumilu kollegiani siniffissat 74-t pilersaarusiortugit naammassilerunarpuk, takuuk akissut § 37 naapertorlugu apeqqummut 114-mut, 2019-mi. Taakku ukioq manna sanaartorneqarnissaat pilersaarutaavoq aamma aningaasaliissutissat aningaasanut inatsisimmi immikkoortinneqarnikuupput.

Qulaani sanaartornissamut suliariumannittussarsiuussinissamut atortussat qaqugu piareerneqarumaartut Naalakkersuisut naatsorsuutigaat aamma sanaartornerup qaqugu aallartinneqarnissaa Naalakkersuisut naatsorsuutigaat?

Akissut: Naalakkersuisut marloqiusamik aningaasaliissuteqartarnermi tunngavik malippaat. Sanaartugassat pilersaarusiorneqaaqqaassapput, tunngavilersuilluarnikkut sanaartugassanut aningaasartuutit missingerneqassapput, taassuma kingorna sanaartornertaata aningaasaliivigineqarnissaa Inatsisartut Aningaasaqarnermut Akileraartarnermullu Ataatsimiititaliaanut akuersissutigeqqullugu qinnutigineqassaaq. Suliyaq maannakkut pilersaarusiorneqarpoq. Pilersaarusiorneqarnera 2019-imi naammassineqassasoq naatsorsuutigineqarpoq taamaalereerpat suliariumannittussarsiuussisoqassalluni neqerooruteqartitsisoqassallunilu. 2019-imut ilinniartut inaat pillugit immikkoortumut pilersaarummi takuneqarsinnaavoq ingerlariarfiit siulliannut piffissaq sanaartorfiusussa 2019-imi oktobarimitt aallartissasoq naatsorsuutigineqartoq.

Apeqqut 2: Kollegiani inissarsiortunut inissaqartikkumallugit inissianik attartornermut 2015-imi, 2016-imi, 2017-imi kiisalu ajornanngippat 2018-mi Namminersorlutik Oqartussat qassinimmita aningaasartuuteqarsimappat? Ilanngullugit taarsiullugit inigisariaqakkanut?

Akissut: Allani attartukkanut aningaasartuutit tamarmiusut imaassimapput:

2015: 10,05 mio. kr.

2016: 13,8 mio. kr.

2017: 14,8 mio. kr.

2018: 16,3 mio. kr.

Apeqqu 3: *Namminersorlutik attartortitsisartunit inissamik attartorneq agguaqatigiisillugu qanoq akeqartarpa, KAF attartortariaqarsimatillugu aamma ilinniartuq inigisaminut KAF-imut qanoq akiliisarpa?*

Akissut: Allaneersunit attartukkat assigiinngitsunik angissuseqarput, tassami ilinniagaqartut immaqa qitornallit aappaqartullu taamatullu ilinniagaqartut arlallit allaneersunik attartukkani ataatsimoorlutik najugaqatigiissinnaasut eqqarsaatigineqassammata. Tamakkuninnga pissuteqartumik apeqquutigineqartunut akissutini inimut ataatsimut agguaqatigiisillugu attartornermut akit aallaavigalugit naatsorsorneqarsimapput.

2018-imi Nuummi init 339-t attartorneqarsimapput, taamaamat inimut ataatsimut agguaqatigiisillugu attartornermut akit qaammammut 2.610 koruuniusimallutik.

Aningaasanut inatsimmi konto pingaarneq 40.02.01-imut, Ilinniartut Ineqarfiisa Allaffeqarfiat, oqaasertaliussani takuneqarsinnaavoq, 2019-mi Namminersorlutik Oqartussat ilinniartut ineqarfiutaanni najugaqartunut ineqartitaanermut aningaasartuutit imatut amerlassuseqartut:

Ineqartumut ataatsimut ini kisermaattariaq: qaammammut 850 koruunit

Ineqartumut ataatsimut inissiat marlunnik arlalinnilluunniit initallit: qaammammut 850,00 koruunit

Taakkuttaaq atuupput ilinniartut ineqarfiinut allaneersuniit attartornikkut pissarsiarineqarsimasunut.

Apeqqu 4: *Ilinniartut ilinniarnermutisiallit qassit ullumikkut inissartik nammineq isumaginikuuat?*

Akissut: Siullermik erseqqissarneqassaaq taamaallaat Danmarkimi ilinniagaqartut SUM-mik (Statens Uddannelsesstøtte) pisartagaqarmata. Kalaallit Nunaanni ilinniagaqartut ilinniagaqarnersiutisarpup Namminersorlutik Oqartussat tamakkununnga malittarisassarititaat malillugit.

1. oktober 2018-imi Kalaallit Nunaanni 3.625-t ilinniagaqartuupput Ilinniagaqarnersiutininik pisartagaqarlutik. Ajoraluartumik Ilinniartitaanermut Naalakkersuisoqarfik ilinniagaqartunit taakkuninnga qassit nammineerlutik ineqarnerannik naatsorsuutininik pigisaqanngilaq. Kisiannili 2019-imut Ilinniartut ineqarfiinut Immikkoortukkaanut pilersaarutip suliarineqarneranut atatillugu pisariaqartitsinermik naliliisarluni misissuineq suliarineqarpoq, tassani inernilliisoqarluni ukiuni tulliuttuni qulini ilinniartut ineqarfiini inissat nutaanik 1.069-inik siniffissanik amerlineqarnissaat ataatsimut pisariaqartinneqartoq. Taamaalippat ilinniartut ineqarfiini inissat siniffissanit 2.497-iniit siniffissanut 3.566-inut amerleriasapput.

Apeqqut 5: *Namminersorlutik Oqartussanit illoqarfinni, Nuummi, Ilulissani, Aasianni, Qaqortumi Paamiunilu ilinniartut qassimmita inissaminnik utaqqisut allattorneqarsimappat?*

Akissut: Najukkani assigiinngitsuni ilinniartut ineqarfiisa allaffeqarfiisa ilinniagaqartut ilinniartut ineqarfianni inissaminnik utaqqisut qassiuneri nutarterlugit malinnaaviguarterpaat. Maannakkut Nuummi inersimasut meerartallit 106-it utaqqisut allattorsimaffianniipput Aasiannilu inersimasut 15-it utaqqisut allattorsimaffianniillutik.

Apeqqut 6: *Suliamut tunngasunik allanik soqutiginaatilinnik Naalackersuisut paasissutissiisinnaappat?*

Akissut: Naalackersuisut "Ilinniartut inaat pillugit immikkoortumut pilersaarut – 2019" tamanut saqqummiunnikuuaat, tassani ilinniartut ineqarfiinut tunngatillugu sulissutigineqartut saqqummiussuuneqarsimallutik. Taanna Naalackersuisut nittartagaanni takuneqarsinnaavoq.

Inussiarnersumik inuulluaqqusillunga


Ane Lone Bagger